

LA SEGUNDA EPISTOLA DEL APOSTOL SAN
PABLO A LOS TESALONICENSES

YA'A KUU CARTA UU JA NI CHAA
SAN PABLO APOSTOL NUU
ÑAYIVI ÑUU TESALONICA

1 Máa-rí kákuu Pablo jíin Silas jíin Timoteo, te káchaa-ri tutu yá'a nuu tíku'ni kákandíja ñuu Tesalónica, ja ká'jin-i nuu máa Táa-yo Dios, jíin núu máa Jíto'o-yo Jesucristo. ²Tu'un luu ío iní-ya jíin tú'un kuaká'nu iní ja kíi nuu máa Táa-yo Dios jíin núu máa Jíto'o-yo Jesucristo, ná kóo jíin-ró jíná'an-ró.

Dios kúu I'a sándaq va'a tiñu-yó

³Kánakuatá'ú níní-rí nuu Dios ja sikí róo ñáni. Súan ío va'a, chi kuakukútu-gá-ro jíin tú'un kákandíja-ró, te bueno kákundá'ú iní-ro tá'an-ró. ⁴Ja yúan kákusi iní-ri ja sikí róo jíná'an-ró, hora kánakani-ri tu'un-ró núu tíku'ni máa Dios, ndasa kákandíja-ró, jíin ja ká'jin ni'in-ró, vasa káchindikín-i róo, vasa káta'an-ro túndó'o. ⁵Yúan kúu iin tuni ja sándaq ndaa-ya-í, náva'a nani'in tá'u-ro nájaa-ro iní ñuu nuu tá'ú Dios tiñu, chi ja sikí yúan kándo'o-ró. ⁶Chí ío va'a ja súni jíin túndó'o nachunáa Dios nuu

ñáyivi káxndó'o róo. ⁷Te róo, ñáyivi kándo'o, iin ká'nu-ni ndetátú-ro jíin-rí jíná'an-ri sá'a-ya kivi ja ndíi ndijin Jíto'o-yo Jesús ichi ándívi, jíin táká ndajá'a-yá ja ká'io ni'in téyí. ⁸Te jíin yáá nú'un kii-ya, te xndó'o-ya ñáyivi tú kájito nuu Dios, jíin ñáyivi tú kájandatú nuu tú'un va'a máa Jíto'o-yo Jesucristo. ⁹Te máa ñáyivi-ún ndo'o-i ja náa-í ní káni sá'a-ya, jíin ja má kúu kivi koyo-i nuu kánchaq máa Jíto'o-yo jíin núu lúu ndíi ncháq fuerza-ya. ¹⁰Súan sá'a-ya kivi ncháq-ya ja ndúñá'nu luu-ya sá'a taká ñáyivi ndóo-ya, te náva'a naa iní sava ñáyivi ndé'é-i nuu-ya kivi-ún sá'a taká ñáyivi kákandíja nuu-yá, chi ni kákandíja-ró tú'un ndaa ni kákastu'ún-rí nuu-ro. ¹¹Ja sikí yá'a, te nene kájikán ta'u-rí ja róo, náva'a Dios máa-yó kuva'a iní-ya jíin-ró ja ní kana-ya róo. Te taká tiñu va'a kákuni-ro ná skíkuu-ya jíin-ró, jíin fuerza-ya, te suni jíin tiñu kás'a-ró, jíin tú'un

kákandíja-ró. ¹²Náva'a ná nákana jaa-i sí'ví máá Jító'o-yo Jesucristo sá'a-ró jíná'an-ró, te suni kuatú'ún-i róó sá'a-ya, chí súan sá'a tu'un luu ío iní Dios máá-yó jíin já ío iní Jító'o-yo Jesucristo.

Sikí ñáyivi ñáá kiví ndíi Jesús

2 Te vina káka'an nda'ú-ri jíin-ró, ñáni, sikí já ndíi máá Jító'o-yo Jesucristo jíin já ndútútú-yó núu-yá, ²ja má nátu'u yachi iní-ro, ni ma kúkuí'a iní-ro sá'a iin ja jíkka kuu, xí tú'un, xí tutú ja sá'a síkí-i ja rúu tájí, cuenta sikí já á ni kuyani ndaa kiví máá Jító'o-yo. ³Ma kuá'a-ró tú'un ja xndá'ú kuti ní iin-i róó. Chi ma cháa kiví-ún onde nú túu ndu'ichi iní kua'a-í-ya, te suni onde ná kenda ndijín máá cháa ja xíin kuáchi, chí máá cháa ta'nu ndatu kúu-de. ⁴Te ndonda-de kasu-de nuu táká ja káskúnán-i Dios, jíin núu já káchiñú'ún-i. Ja yúan te nungoo-de iní ve'e ií Dios, te ka'an-de ja Dios kúu máá-de. ⁵Á tú kánuku'un iní-ro já onde ná kánchaa-ga-ri jíin-ró, ni ka'an-ri tu'un yá'a jíin-ró jíná'an-ró. ⁶Te vina a kájiní-ro ndéja kúu ja jasú nuu-dé, náva'a onde ná jáa kiví máá-de te kenda ndijín-de. ⁷Chi máá tú'un sa'í xíin kuáchi, a yáji ní'ni kua'an, ko ío ja jasú nuu vína, onde ná kúxio-ún. ⁸Yúan-na te kenda ndijín máá cháa xíin kuáchi-ún. Te máá Jító'o-yo ká'ni-yá-de nini jíin máá já tiví tachí-ní-ya, te nini ja ndíi ncháa kenda ndijín-ya, te xnáa-yá-de. ⁹Te cháa-ún kii-de sá'a Satanás, te jíin fuerza ni'in xaan, jíin tuní, jíin tíñu ñá'nu sá'a síkí-ni-de. ¹⁰Te jíin táká tíñu tú jíkka ndaa, te tiin

yátá-de ñáyivi náa, kuáchi ja tú ní kájatú'ún-i kumani-í jíin tú'un ndaa, náva'a kaku-i sá'a-ya núu. ¹¹Ja yúan te skíi Dios iní-i, te kuñáá xiní-i, ja kándíja-i iin tu'un xndá'ú, ¹²náva'a nakuxndíi-ya sikí táká-i ja tú kákandíja-i tu'un ndaa, chí sasua kákusií iní-i jíin tíñu tú jíkka ndaa.

Máa-yá kúu I'a skíkuu

¹³Nene kánakuatá'ú níni-rí nuu Dios ja'a róó, ñáni, ja kúndá'ú iní Jító'o-yo róó. Chí máá Dios ni kaji-ya róó onde ná xnáñúú náva'a kaku-ró, te suni jíin Espiritu-ya ndúndoo iní-ro te kandíja-ró tú'un ndaa. ¹⁴Ja yúan ní kana-ya xiní-ro jíná'an-ró ní sá'a tu'un va'a káka'an-ri, náva'a jaa-ro nú ndíi ncháa kánchaa Jító'o-yo Jesucristo. ¹⁵Núsáa te kuiñi ni'in-ró ñáni, te kuti iní ni'in-ró tú'un ni kákatu'a-ró, kúu jíin tú'un xí jíin tutú-ri. ¹⁶Máá Táa-yo Dios kúu I'a ni kúndá'ú iní yóó, jíin já ní ja'a-ya tú'un koo ndéé iní-yo ní káni, jíin já kúñukuu va'a iní-yo sá'a tu'un luu ío iní-ya. Te máa-yá, onde jíin máá Jító'o-yo Jesucristo, ¹⁷ná násándéé-yá iní añú-ro jíná'an-ró, te ná síyíja-ya róó sikí tú'un jíin sikí tíñu va'a.

3 In-na tu'un ío, ñáni. Ná kakán ta'u-ro jíná'an-ró já'a-ri jíná'an-ri, náva'a yachi ná kuichá nuu tu'un máá Jító'o-yo kí'in, te ná kuátú'ún-i, nátu'un nuu máá-ró jíná'an-ró, ²te suni náva'a ná kaku-ri iní nda'a cháa ñáá jíin cháa kástá'an ruu jíná'an-ri, chí nasu ndí'i-de kákandíja. ³Ko bueno skíkuu máá Jító'o-yo. Te ná síyíja-ya iní-ro, te koto-ya róó nuu káni nuu kuí'a. ⁴Te kájaní ndija iní-ri, sá'a

máá Jító'o-yo, já kákuu-ró jíin tíñu nĭ kátá'ú-rí nuu-ro te kukuu-ga-ro jíin. ⁵Te máá Jító'o-yo, ná stá'an-ya núu añú-ro ndasa koo manĭ-ro jíin Dios, te ndasa kundiso-ró paciencia Cristo.

Sikĭ cháa kúxĭ

⁶Ko kátá'ú-rí tíñu nuu-ro, ñáni, jíin sí'ví máá Jító'o-yo Jesucristo, já kúxio-ró núu táká ñani-yo já kájika kuu kátá-ni-de, chí nasu súan ní kástá'an-rĭ nuu-ro. ⁷Chĭ a kájini máá-ró ndasa kánúú ndáku-ró rúu, chí tú súan ní kájika kuu kátá-ni-rĭ nuu-ro jíná'an-ró. ⁸Ni tú ní káyee sáni-rĭ staa sikĭ ní ĩn-ró, chí sua nĭ kaja'ni-rí máá-rí jíin tíñu, te ndúú ñúú-ni nĭ kasátiñu-rĭ, te tú ní kúnĭni inĭ ni ĩn-ró ní kasá'a-rĭ. ⁹Nasu já túu derecho-rĭ kakān-rĭ núu. Chí sua kunĭ-rĭ kuu-rĭ ĩn ejemplo nuu-ro ndasa ndaku-ró rúu. ¹⁰Chĭ onde ná káxiukú-ga-rĭ jíin-ró, te nĭ kátá'ú-rí tíñu yá'a nuu-ro, ja nú ndé ĩn ñayivi tú kunĭ-i sátiñu-i, te ma kée-í núsáa. ¹¹Chĭ nĭ kajini

tĭ'un-rĭ ja kájika kuu kátá-ni sava-i jíin-ró, tú kasátiñu kuti-í, chí sasua kájika kuu-i kándúkú tú'un-ni-i tá'an-i. ¹²Te nuu ñayivi-ún kátá'ú-rí tíñu, te káka'an nda'ú-rĭ jíin-i sikĭ máá Jító'o-yo Jesucristo, ja ná'ín-ni ná kóo-i, te ná sátiñu-i, te ni'ín-í kee-í sikĭ máá-i. ¹³Te róó jíná'an-ró ñáni, ma kuitá-ro já kásá'a-ró tíñu va'a. ¹⁴Te nú ndé ĩn-i tú kunĭ-i kuandatu-i nuu tú'un-rĭ ja ká'an carta yá'a, kunchaa nuu-ro-í te ma kété'an-ró jíin-i jíná'an-ró, nává'a ná kúka nuu-í. ¹⁵Ko ma kóto u'u-ro-í, chí sua kana jíin-ró núu-í nátu'un nuu ĩn ñani-ro. ¹⁶Te máá Jító'o-yo, I'a ndiso tĭ'un kuaká'nu inĭ, nene ná kuá'a-ya tú'un vindáa vinené inĭ-ro jíná'an-ró jíin táká-ni modo. Te máá Jító'o-yo ná kunchaa-ya jíin táká-ro jíná'an-ró. ¹⁷Ruu, Pablo, áchĭ-rĭ ja ná sándéé inĭ-ro te cháa nda'a máá-rí, chí ya'á-ni kúu ĩn tunĭ ja chíso-rí nuu táká-ni carta-rĭ. Chí súan cháa-rĭ. ¹⁸Tĭ'un luu ío inĭ máá Jító'o-yo Jesucristo ná kóo jíin táká róó jíná'an-ró. Súan ná kóo. Amén.